

第一百一十冊

卷二百八

忠節傳一

卷二百九

忠節傳二

新纂雲南通志

盧

漢

題

簽



新纂雲南通志卷二百八目錄

忠節傳一

雲南府一

明

朱朝冠

楊廷瑚

吹笛軍

王政舉

唐俊德

程坤

周嘉映

李悉達

余士泰

劉惟馨

楊膚

虞引

羅銘鼎

李開元

陳爰詢

馬雲程

高人龍

司慎

陳大經

徐高遷

陳爰謀

向六

馬老三

張所知

蔣之彥

謝天禎

段伯美

張孔鑄

李開芳

伍傑

王來儀

劉撫

劉昌應

施于京

嚴賓

楊思義

楊樹烈

譚三謨

張如良

莫貴德

唐懋俊

李守質

王謨

李方泌

陳九蛟

洪文彬

郭崙

羅正符

朱荃

單武襄

李先芳

王需之

張何明

寇觀明

清

魏翥國

李焜

李發早

馮志英

張朝輔

羅資袞

劉天佑

魏金邦

江紀

陳鼎

熊芝林

崔崑

等十人

孫大猷

謝天保

石鼎臣

等十人

陳選

等十四人

資尙培

王致中

汪榮

等四人

楊春榮

閩亮

方儀

安朝聘

等六人

鄒有福

李興然

熊振先

張尙忠

朱曰恭

繆志林

盧映鴻

楊慶

李逢春

李廷楷

李祥麟

慶桂森

郭承勳

廖相

傅士珍

子培基

楊沂

金毓文

金聘

金毓寶

馬吉

等三人

陳宗舜

等五人

張奏凱

李萬清

魏增祥

李定邦

段裕林

黃河清

賀福昌

昌應蘭

李占春

秦保

朱魁

李長清

高定川

毛世榮

戴光照

王圻

沐廷禎

張春

葛文炳

廖友直

陳天柱

岳相堯

栗慶春

岳亮彩

谷澄

李蔭

季勳

季愈亮

楊恩培

陳桐

陳之燾

董祐

石生輝

姜載周

張開文

司軾

李傑

鄭嘉賓

弟嘉銳

王承志

繆萬清

朱明遠

張鑫

傅濟川

楊佩芬

孫不烈

陳嘉謨

張樹功

楊樹培

吳錦培

陸彭雲

陸沛

袁系昌

袁士昌氏

趙廷璧

楊氏母

楊維賢

孫超

楊友桂

楊文華

陳永甯

劉氏等

倪應敏

熊有功

劉占甲

周得明

徐永謙

蘇介生

楊應坤

高銓

尹翊襄

楊捷驥

劉占魁

馬玉良

張敦孝

杜福

施悌

趙天泰

王松齡

子熙

陳彬

王開錡

王錫齡

李虎臣

門國安

楊福

燕升雲

馬兆祥

趙開元

李秉仁

妻余氏

張鍾睿

妻楊氏

張圖河

妻吳氏等

張樹功

母楊氏等

張儒孝

張昀

等十人

張榮庚

妻龔氏

張友芬

楚維寶

楊沛霖

子緒

郭長久

王世廷

黃發裕

艾如蘭

李光裕

趙俊

馬恩祥

周鴻

王開賢

王用賢

李

瑞

趙向宸

劉榮

楊友文

李

端

魯宗堯

徐奠南

弟鎮南

龍占魁

李笏

郭清

濮文致

張國彬

龔約

艾炳南

馬相廕等

周雙貴

唐萬春

張永清

嚴萬年

嚴澍

卜嘉樂

范成亨

李洲

狄槐

馮繼武

莊成

段萃文

廖宣

董丹書

楊煜閏

石虎臣

丁崇善

洪鍾慶

胡維森等

游驩

劉復旦

劉正國

段定邦

黨名儒

武登秀

陳國祥

陳起龍

李應春

楊懷芳

新纂雲南通志卷二百八

忠節傳一

我國忠義之士自古有之至春秋時孔子有殺身成仁之說戰國時孟子有舍生取義之說此種學說一倡遂能激勵人心養成爲國捐軀美德以故二千餘年每遇鼎革時期或戰爭事故其犧牲生命擁護國家者動以千百人計此等精神皆得力於殺身成仁舍生取義之教宋文天祥殉國時其衣帶中贊語亦以孔曰成仁孟曰取義諄諄言之知其服膺於孔孟學說者久矣滇俗樸厚忠義素不後人觀舊志忠義傳所載與孔孟成仁取義之旨若合符節茲特根據舊志加以採訪彙而錄之俾後人有所取法其不曰忠義而曰忠節者因本志另有義行一門避複也

雲南府一

明

朱朝冠字子儀嵩明人嘉靖壬子舉人官漢中府通判督師往征何

勉屢戰皆捷賊火焚營朝冠往救被焚死

一統志

楊廷瑚昆明人嘉靖間歲貢值土賊阿旦之亂郡守往討廷瑚率鄉

兵助之奮勇力戰死於陣

昆明縣志

吹笛軍昆明人不知姓名精笛音嘉靖七年尋甸安銓叛官兵討之

軍隨營偶爲安酋擄去令教土人鼓吹偵者不得虛實甚憂之吹笛

軍乃造曲云安家只有三千軍前頭是男子後頭是婦女殺進來殺

進來師中知音者上白遂進兵克之安孽知之被醢

昆明縣志

王政舉字存吾易門人隆慶甲午副榜任霑益學正擢綿竹知縣有

善政民建生祠以祀致政歸萬曆二年野賊犯滇攻城政舉與其徒夜縋城出請援後先失道政舉奔海營突遇賊奮力直鬪勢不支罵

賊死

易門續志

唐俊德祿豐人舉人萬曆三十五年鳳賊攻掠縣城俊德同生員周

之麟百戶陳宰土官李印血戰死

雍正志

程坤昆明人以武進士爲幕府贊畫天啟間授四川總兵中軍守備

會西路梗絕坤率兵赴援至畢節城陷被執不屈死

參雍正志雲南府志

周嘉映字伏龍中衛人天啟間以武舉署霑平守備時正發兵援蜀

嘉映知霑益諸夷多異志乃以密書告變謂蘭州之患遠在千里霑益之變近在目前宜密爲之備語洩諸夷恨之後從參將尹啟易討

賊馬躡爲賊所害

雲南府志

雲南
府志

李悉達羅次人天啟甲子舉人任夔州知府多惠政流賊陷城死之

余士泰昆明人天啟甲子舉人任石阡府推官上計次襄陽值張獻

忠之亂城陷死之

雍正志

劉惟馨昆明人天啟丁卯舉人任鄜州知州適流賊圍城率衆拒守

城陷罵賊被刺而死

雍正志

楊膚易門人諸生崇禎五年蠻賊攻城被執罵賊而死

雲南府志

虞引昆明人崇禎間任濟南府同知戊寅守東北城城陷赴火死

雍正志

羅銘鼎三泊人崇禎間舉人官四川威茂兵備道攝按察使篆張獻

忠之亂拒賊守城城陷被執不屈罵賊而死妻段氏攜三子兆鶴兆

桂兆昌投水死

雍正志

李開元字台輔易門人崇禎間舉人任大足知縣擢合州知州績著

廉明再擢慶陽知府未即行流寇陷城整衣冠而死

易門縣志

陳爰詢昆明人崇禎庚辰歲貢任南溪訓導待士忠恕時流寇亂蜀

爰詢力陳防禦之策巡撫某委署屏山知縣及賊寇馬湖爰詢走烏

蒙乞兵救援馬湖恢復以功授本府推官復傾囊募士軍聲大振未

幾叙州失機馬湖復陷爰詢誓死報國至中途心忽大痛厲聲曰吾

生不能滅賊矣死將訴之上帝陰擊之語未竟墜馬卒

雲南府志

馬雲程字騰萬易門人貢生任新津知縣張獻忠犯成都分守北門

悉力防禦中礮死二子收葬父屍同時自縊

雲南府志

高人龍易門人兩中副榜任灌縣知縣張獻忠攻城城陷與婿某同

日自縊死

雲南府志

司慎昆明人沐天波參隨沙定洲反襲天波直入府第慎叱之定洲解衣露甲抽佩刃率衆排闥入慎力拒被刃刺胸而死

雍正志

陳大經字爾至昆明人少慷慨有才略善騎射兩中武舉沐天波延與贊畫吾必奎叛大經典大西門防守及沙賊之變天波倉皇走城上欲出亡大經叩馬諫曰尙有日月營兵在殺賊不勝行未晚也時奸人于錫朋隨天波每陰爲沙賊地忌之以目視天波天波疑其見誘抽刀殺大經而去

雍正志

徐高遷昆明人沐天波裨將沙賊陷城高遷募兵援勦而人無鬪志知事不可爲舉家閉門自焚死

雍正志

陳爰謀昆明人舉人原任知府致仕家居沙賊破城逼欲用之不屈

而死

雍正志

向六馬老三皆昆明人沙賊反陰約敢死士十人書報國二字爲號

共圖賊不克俱被害

雍正志

張所知字誠我安甯人歲貢任雲南縣訓導沙賊之亂所至屠戮縣

令衛弁皆聞風潛遁所知獨不去遂遇害

安甯州志

蔣之彥昆明人諸生明末孫可望入滇聞之彥才羅致之之彥與家

人決曰我往必無生理宜收我骨葬先塋側及見可望強署以官不

受罵賊賊杖殺之

道光志

謝天禎字集祥昆明人國子司業履忠之祖也世襲指揮使爲人孝友謙和惟以濟人利物爲心丁亥四月流寇孫可望入滇垣禁民夜間偶語張燈偵有犯者以石灰塗門爲標識然後按標識而屠戮之時天禎充保正與同邑鄉約繆福基知之不顧生死福基沿街大呼

曰來矣來矣迅逃迅逃天禎則以濕巾滌其標識獲救甚衆後爲賊黨所知天禎被砍其手福基被割其舌同遇害後人於城隍廟前祠

祀之

師齋
隨筆

按道光志作天正入清代今攷正

段伯美晉寧人崇禎壬子舉人余繼善耿希哲皆晉寧人諸生丁亥

四月流寇屠晉寧伯美等助知州冷陽春守城同殉難

明史席上珍
附傳參採訪

張孔鑄字能五晉寧人廩生流寇之難孔鑄死之

晉寧州志
參採訪

李開芳富民人貢生孫可望等陷城其妻及二子俱赴井死開芳走

至松花壩自經其友王朝賀掩埋訖亦自經在籍知縣陳昌裔不受

僞職爲賊杖死

明史席上
珍附傳

伍傑昆明人當沐天波出走時與沙定洲力戰死乾隆間縣人孫髯

作伍義士詩紀其事

昆明縣志

王來儀字仲威昆明人舉人任吳縣教諭歷官應州知州性耿介與

上官不合歸甲申歲聞變門人王錫袞督師赴難來儀涕泣相對勉

以忠孝丁亥流寇入滇罵賊而死

雍正志

劉撫昆明人舉人任戶部主事爲闖賊所執三木橫加折一足未死

歸至滇流寇招之授以督學撫曰在京師不死已無面目見先皇豈

復爲賊官耶大罵而死

雍正志

劉昌應右衛人武進士明末爲參將流寇入滇倡起義兵屢與賊戰

被執不屈罵賊而死

雍正志

施于京昆明人諸生流寇破城闔門自焚

雍正志

嚴賓昆明人流寇入滇闔家自縊死

雍正志

楊思義昆明人流寇入滇聞田主嚴賓殉節與妻陳氏投井死

雍正志

楊樹烈昆明人任南川知縣致仕歸流寇潰兵屠掠舉家倉皇奔避樹烈獨置香案著衣冠北面再拜自縊死逾月家人回視面色如生

雍正志

譚三謨昆陽人貢生任臨安府教授歸流寇破城闔家自縊

雍正志

張如良昆陽人貢生持己清慎流寇之亂與子景輝景曜及妻媳一

門殉節

雍正志

莫貴德宜良人子可及靖州知州流寇屠城謂妻麻氏曰子受國恩

身蒙寵錫當以身殉同赴井死

雍正志

唐懋俊字玉甫晉寧人貢生任師宗訓導丁亥歲流寇屠師宗與署知州徐道興督率民兵竭力防禦城破罵賊賊支解之子帝臣殉難

次子帝命拾父首改葬事見孝友傳

雍正志

李守質昆陽人貢生任江夏訓導流寇至分守西城城陷不屈罵賊

死

雲南府志

王謨昆陽人貢生品行端方事母以孝聞流寇至被執不屈死之

雲南府志

李方泌昆陽人諸生性孝友流寇臨境棹舟避難賊掠之夫婦罵賊

抱子投水死

雍正志

陳九蛟年九十二洪文彬年九十一皆昆陽人素相友善丁亥歲流

寇至滇兩人誓不見賊相約叙別各自縊死

雲南府志

郭崙昆明人歲貢生任楚雄訓導沙賊之叛與參議楊畏知首倡大

義建策守城時賊攻楚雄其妻葛氏曰我先死勿致君累庶可盡心

爲國遂投井死及流寇入滇崙毅然赴省陳說大義寇釋之去至楚